

摩訶止觀

卷第五（上）

隋天台智者大師說
門人灌頂記

不可思議境者，如《華嚴》云：

「心如工畫師，造種種五陰。

一切世間中，莫不從心造。」¹

種種五陰者，如前十法界五陰也。

法界者三義：

十數是能依，法界是所依。能所合稱，

故言十法界。

又此十法，各各因各各果，不相混濫，

故言十法界。

¹大方廣佛華嚴經卷第十

東晉天竺三藏 佛馱跋陀羅 譯

夜摩天宮菩薩說偈品第十六

心如工畫師，畫種種五陰，
一切世界中，無法而不造。

【經文資訊】大正藏第 09 冊 No. 0278 大方廣佛華嚴經

大方廣佛華嚴經卷第十九

于闐國三藏 實叉難陀 奉制譯

昇夜摩天宮品第十九

心如工畫師，能畫諸世間，
五蘊悉從生，無法而不造。

【經文資訊】大正藏第 10 冊 No. 0279 大方廣佛華嚴經

又此十法，一一當體，皆是法界，

故言十時界（云云）。

十法界通稱陰入界，其實不同。

三途是有漏惡陰界入，

三善是有漏善陰界入，

二乘是無漏陰界入，

菩薩是亦有漏亦無漏陰界入，

佛是非有漏非無漏陰界入。

《釋論》云「法無上者涅槃」²是，

即非有漏非無漏法也。

《無量義經》云「佛無諸大陰界入」³者，

無前九陰界入也。

²大智度初品總說如是我聞釋論第三

龍樹菩薩造

後秦龜茲國三藏法師鳩摩羅什奉詔譯

涅槃法無上。

³【經文資訊】大正藏第 25 冊 No. 1509 大智度論
無量義經

德行品第一

蕭齊天竺三藏曇摩伽陀耶舍譯

大哉大悟大聖主，無垢無染無所著，

天人象馬調御師，道風德香熏一切。

智恬情怕慮凝靜，意滅識亡心亦寂，

永斷夢妄思想念，無復諸大陰界入。

【經文資訊】大正藏第 09 冊 No. 0276 無量義經

今言有者，

有涅槃常住陰界入也。

《大經》云：

「因滅無常色，獲得常色。

受想行識，亦復如是。」⁴

常樂重沓，即積聚義。

慈悲覆蓋，即陰義。

以十種陰界不同故，故名五陰世間也。

攬五陰，通稱眾生。

眾生不同：

攬三途陰，罪苦眾生。

攬人天陰，受樂眾生。

攬無漏陰，真聖眾生。

攬慈悲陰，大士眾生。

攬常住陰，尊極眾生。

【經文資訊】大正藏第 46 冊 No. 1911 摩訶止觀

⁴ 大般涅槃經卷第三十九

北涼天竺三藏曇無讖譯

憍陳如品第十三之一

爾時世尊告憍陳如：

「色是無常，因滅是色，獲得解脫常住之色；

受想行識亦是無常，因滅是識，獲得解脫常住之識。……」

【經文資訊】大正藏第 12 冊 No. 0374 大般涅槃經